

pars Evangelij pertinet ad genus delibe-
rativum. In alterâ verò parte contine-
tur insigne Christi cum discipulis collo-
quium, quod quidem ad nullum causæ
genus referri potest, attamen doctrinæ
& consolationis plenissimum.

De utraq; itaq; parte dicam.

D E P R I M O.

I. Consideranda est propositio Christi
adhortatoria: *Petite.*

II. Argumenta confirmatoria, quorum
primum ab utili sumtum propositionem
antecedit, illustratum duplici juramen-
to Christi. Felices autem, quorum cau-
sâ DEUS jurat, &c. inquit Tertullianus.
Profertur autem hoc argumentum ver-
bis emphaticis: *Quicquid petieritis Pa-
trem in nomine meo, &c.*

V S V S.

Notetur ars orandi: Invocandus est
solus DEUS, non idola, nec defuncti,
Abraham enim nescit nos, &c. Voca-
bulo Patris, non tantum intelligit Pa-
trem cælestem, sed omnes tres Personas
divinitatis: quia paternè erga nos sunt
affectæ. Orandum autem est lætâ fiducia
meriti Christi: Respice nos Domine Dan: 9.
propter Dominum, & omne id quo indi-

L 3 genus